



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-339/16

Sarajevo, 27.01.2017. godine

Na osnovu člana 69. stav 2, tačka c) i člana 70. stav 4. Zakona o javnim nabavkama Bosne i Hercegovine («Službeni glasnik BiH», broj: 39/14) i člana 34. Pravilnika o javnim nabavkama roba, usluga i radova Tužilaštva/Tužiteljstva BiH broj: A-40-1/15 od 20.02.2015. godine v.d. glavnog tužioca Tužilaštva/Tužiteljstva BiH d o n o s i

O D L U K U O
PONIŠTENJU POSTUPKA JAVNE NABAVKE

Poništava se postupak javne nabavke - konkurentski zahtjev za dostavljanje ponuda za nabavku usluga posredovanja u prodaji avionskih karata za potrebe Tužilaštva BiH , broj: A-339/16 od 03.11.2016.godine koji je objavljen na portalu javnih nabavki dana 06.01.2017.godine, Obavještenje o nabavci broj : 435-7-2-30-3-1/17, kao i svi doneseni akti ugovornog organa Tužilaštva/Tužiteljstva BiH u ovom postupku.

O b r a z l o ž e n j e

Ugovorni organ Tužilaštvo/Tužiteljstvo BiH putem konkurentskog zahtjeva za dostavu ponuda, na portalu Javnih nabavki dana 06.01.2017. godine objavio je tender za nabavku usluga posredovanja u prodaji avionskih karata za potrebe Tužilaštva/Tužiteljstva BiH, Obavještenja o nabavci, broj: 435-7-2-30-3-1/17.

Blagovremeno su pristigle 2 (dvije) ponude i to:

- 1., „MRKULIĆ COMPANY“ d.o.o Sarajevo
- 2., „VIP TRAVELS“ d.o.o Sarajevo

Neblagovremeno je pristigla 1 (jedna) ponuda:

- 1., „VENTURA TRAVEL AGENCY“ d.o.o Travnik

Tenderskom dokumentacijom za nabavku usluga posredovanja u prodaji avionskih karata za potrebe Tužilaštva BiH , broj: A-339/16 od 03.11.2016.godine pod brojem 4.13 određeno je mjesto, vrijeme i datum za prijem ponuda, i to: u Tužilaštvo BiH, ulica Kraljice Jelene 88, najkasnije do 16.01.2017.godine u 12:00 sati.

Dana 18.01.2016.godine Tužilaštvo BiH je zaprimilo ponudu „VENTURA TRAVEL AGENCY“d.o.o Travnik pod rednim brojem RO 6/17, shodno navedenom a u skladu sa članom 63. stav 1. Zakona o Javnim nabavkama Bosne i Hercegovine («Službeni glasnik BiH», broj: 39/14) neotvorena, neblagovremeno pristigla ponuda vraćena je ponuđaču dana 25.01.2017. godine.

Evaluacijom ponuda u vezi sa javnom nabavkom usluge posredovanja u prodaji avionskih karata za potrebe Tužilaštva BiH utvrđeno je da su blagovremeno pristigle dvije ponude i to: „MRKULIĆ COMPANY“d.o.o Sarajevo i „VIP TRAVELS“d.o.o Sarajevo.

Ugovorni organ je pokrenuo postupak javne nabavke usluga posredovanja u prodaji avionskih karata gdje je tenderskom dokumentacijom predviđeno zaključenje okvirnog sporazuma, a član 32. stav 4. Zakona o javnim nabavkama Bosne i Hercegovine («Službeni glasnik BiH», broj: 39/14) propisuje da se okvirni sporazum zaključuje sa više ponuđača za isti predmet nabavke, te da broj ponuđača sa kojima se zaključuje okvirni sporazum ne može biti manji od tri, pod uslovom da postoji dovoljan broj ponuđača.

Obzirom da su blagovremeno pristigle dvije ponude, a članom 69. stav 2. tačka c) Zakona o javnim nabavkama Bosne i Hercegovine («Službeni glasnik BiH», broj: 39/14) ugovorni organ je obavezan poništiti postupak javne nabavke u slučaju da nije dostavljen broj ponuda određen članom 32. stav 4. Zakona o javnim nabavkama Bosne i Hercegovine («Službeni glasnik BiH», broj: 39/14), na osnovu utvrđenog činjeničnog stanja, u skladu s odredbom člana 69. stav 2, tačka c) Zakona o javnim nabavkama Bosne i Hercegovine («Službeni glasnik BiH», broj: 39/14) odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba URŽ-u putem ugovornog organa u roku od 5 (pet) dana od dana prijema.

